

INUIT ATAQATIGIIT

Inatsisartuni



UKA 2018/60 & 234
Ulloq 13. November 2018
Sofia Geisler

**Piniakkat killilersukkat avanersuarmi Ittoqqortoormiinilu
killilersorneqarunnaarnissaat anguniarlugu apeqquteqaat aallaavigalugu
oqallisissiaq.**

(Inatsisartuni ilaasortaq Jens Napātōk', Partii Naleraq)

**Piniakkat killilersukkat Tasiilami nunaqarfíinilu killilersorneqarunnaarnissaat
anguniarlugu apeqquteqaat aallaavigalugu oqallisissiaq saqqummiuppara.**

(Inatsisartunut ilaasortaq Jens Napaattooq, Partii Naleraq)

Piniakkat killilersukkat sumiiffinni taaneqartuni killilersorneqarunnaarnissaat anguniarlugu Jens Napaattuup Partii Naleqqameersup oqallisissiaa imaannaanngitsumik imaqartoq isumaqarfigineqartorlu pillugit tunngavilersuutit saqqummiunneqartut ataqqivagut (anerkender).

Assortunngilarput sumiiffinni ataasiakkaani inuussutissarsiutitigut inissisimaneq pitsaanerpaanut ilaanggimmat, tamannalu kingorneqartarmat aamma ilisimallutigu.

Aalisarnermut, Piniarnermut Nunalerinermullu Naalakkersuisup saqqummiinermini saqqummiussaani paatsuugassaanngitsumik erseroq nunat tamalaat akunnerminni isumaqatigiissutaat nunatsinni piniakkat killilersukkat taamatut inissisimanerannut aalajangiisuulluinnartut.

Isumaqtigiissutit tamakku paasinninnerput naapertorlugu akisussaassuseqarluni pisuussutinik atuinissamut inuiaqtigiit akuersaartuunerannut takussutissiippit. Tassalu qitornat, taakkulu qitornaasa naliminni piniakkanik taakkuningga aamma piniarnissaminnt periarfissaqarnissaat qulakkeerusunneqarpoq.

Killilersuineq atorunnaarsinneqarpat tamanna piffissami sivikitsumi iluarusuutaasinnarluni tamatuma kingorna pitsaanngitsumik uumasoqatigiinnut pineqartunut kinguneqarsinnaanerat ernumassutigivarput, tamannalu Aalisarnermut, Piniarnermut Nunalerinermullu Naalakkersuisup saqqummiinerani aamma tikkiarneqartoq maluginiarparput.

Ullumikkut nunarput imminut mattulluni avatitsinniittunik isumaqtigiissutaasunik atorunnaarsitsisinhaanngilaq, avatitsinniittut atorfissaqartikkatsigit, avatitsinniittut niueqatigigatsigit.

Nunat Avannarliit Siunnersuisoqatigiiffiata avatangiisit pillugit nersornaasiuttaagaannik qanittumi nersornaaserneqarput Attumi pinngortitami isumalluutit pillugit siunnersuisut. Nunatsinniit tulluussimaarutigaavut assut. Maligassiuipput, ineriarortitsinissamullu periarfissanik nutaanik tikkuussipput.

Suliniut aqqutigalugu takutinneqarpoq innuttaasut, pisortat aamma ilisimatuut ilisimasaminnik ataqtigiissitsisinnaaneq siunertaralugu suleqatigiissinnaanerat, qanumut suleqatigiissinnaanerat, pinngortitamut aamma isumalluutinut iluaqutaasumik, angusassaq pitsaanerpaaq anguniarlugu.

Suliniutip takutippaa tunuliaquttat assigiinngikkaluartut taamaattoq siunertaq ataasiusoq anguniarlugu nukiit pitsasumik atorneqarsinnaasut. Periuseq tamanna Canadami atorneqarpoq ukiorpanni. Tassani maanna pinngortitap pisuussutaanik atuisut uppernarsisinnaalerpaat kissaateqarunik ima imalu tunngavilersuisinnaallutik – aamma nunanut allanut isumaqtiginninniarfigisanut.

Pinngortitap pisuussutaanik atuisut, innuttaasut ilisimatuullu suleqatigiinnerisigut taakku tamarmik ilisimasaasa kattunneqanerisigut angusassaq annertooq angusinnaagipput qularutiginngilarput.

Taannalu aqqutiginiassannginnerparput?

Qujanaq.